

PLANTA PURIFICACION AWA NA BUBALI TA UN TIME BOMB




NA HULANDA TA EXIGI GABINETE RUTTE PRODUCI PLAN NACIONAL CONTRA POBRESA Y NA ARUBA TIN SILENCIO

Pag. 2

STUDIA NA HULANDA LO BIRA 105 EURO MAS CARO OTRO AÑA



Pag. 5



E PAISNAN CU E PRIJS DI GASOLIN MAS ABOU Y MAS HALTO DI MUNDO

Pag. 6




Stop Searching for Content!
*Find and access content based on **what it is**, not where it is saved*
M-Files®
 Intelligent Information Management

- System Neutral, Metadata Driven
- Cloud, On-Premises, or Hybrid
- Automated Workflows
- Seamless Integration with Microsoft Office and more




Tel. 583-7072 | info@vcc-int.com | www.vcc-int.com







[get a quote](#)
[make a payment](#)
[sign up](#)

Quick and easy!



live safe | live easy

myguardiangroup.com

Na Hulanda ta existi gabinete Rutte produci plan nacional contra pobreza y na Aruba tin silencio

Un diferencia grandi den vision di dos gobierno riba e situacion actual cu ta afectando pueblonan di tanto Hulanda como Aruba, cu ta luchando contra un inflacion cu ta alcansando limitenan desproporcionales.

Aki na Aruba e situacion ta serio, hopi delicado y ayera caba a Sali na cla algo cu AWEMainta a bin ta mustrand pa algun tempo caba ariba, cu tin studiantenan, en realidad muchanan chikito, kendenan ta bayendo scol stoma bashi, sin posibilidad cu algo lo drecha por lo pronto.

Un situacion cu ta existi pa hopi tempo caba pero cu den e aña aki, dor di e crisis financiero di gobierno, un economia cu no a lanta cabes manera a spera cu e lo a haci, tin pobreza creciente den comunidad rond di Aruba.

Sinembargo apesar cu crisis aki a lanta cabes pa algun tempo caba y cu awor e asunto di muchanan cu ta bayendo scol stoma bashi, a haya un otro aspecto ora cu un di e organisacion di boluntarionan cu ta traha sandwich pa muchanan, a informa cu lo bay reduci e cantidad di muchanan cu ta haya algo di come tur dia.

Debi cu donacionnan a keda reduci formalmente, e fundacion aki a informa cu lo reduci e cantidad di muchanan cu ta ricibi sandwich na scolnan, for di 800 te cu 500 mucha loke ta nifica cu 300 mucha lo tin cu atende scol stoma bashi y den varios caso, nan tin cu pasa hamber henter dia.

E situacion ta hopi delicado y ta den e contexto aki tambe tin un publicacion cu a Sali na Hulanda ayera, caminda varios miembro di fraccionnan cu ta sostene gabinete Mark Rutte, a sugeri pa gobierno di e Prome Minister aki, produci un plan di lucha a corto plaso, contra di pobreza creciente na Hulanda.

Pues hasta na madre patria tin un situacion serio den desarojo caminda ta anticipa cu prijsnan riba comestibelnan, lo sigui aumenta pa lunanan dilanti sin cu por anticipa ki dia e desarojo aki lo termina.

Ya caba na Hulanda esunnan di entrada abou ta confrontando problemanan serio mientras cu pa hopi parlamentario Hulandes, dentro di poco e clase media lo wordo confronta cu un situacion caminda nan entradanan lo sigui wordo limita pa un inflacion cu ta cambia practicamente tur dia. A base di esaki tin parlamentarionan cu ta exigiendo di gobi-



erno di Mark Rutte, pa presenta un plan di accion contra di pobreza, pa gobierno presenta su vision con lo bay yuda e grupo cu ta den problema serio y con lo por alivia nan situacion.

Ta premira cu e situacion lo bira ainda mas dificil, ainda mas delicado mirando aumento di entre otro prijs di gas den ultimo lunanan y tambe prijs riba cuminda y otro asuntonan di vital importancia pa finansa di henter pueblo.

Aki na Aruba tin un situacion practicamente igual pero caminda ningun gobernante of esunnan cu ta sosten e actual gabinete, ta tumando iniciativa pa trata di alivia e situacion delicado cu miles di hende ta pasando aden na e momentonan aki.

Ningun parlamentario cu ta sostene e coalicion di MEP-RAIZ a haci un solo intento pa pidi nan gobierno presenta un plan pa alivia e situacion y con gobierno lo yuda pueblo combati un pobreza creciente y cu ta destina pa bira ainda mas grandi.

No tin plan, gobierno no tin vision ya cu e unico trabou grandi cu gabinete Wever Croes II tin na e momentonan aki, ta pa traha duro pa evita un “aanwijzing” cu tin riba mes practicamente cla pa wordo ehecuta y impone.

Planta di purificacion na Bubali:

Keto bay un ticking time bomb

No ta un secreto cu e planta di purificacion (RWZI) na Bubali mester wordo renoba y mester un upgrade. E planta aki ta existi pa basta decada caba y su situacion ta uno critico cu varios bes atencion a wordo poni na esaki cu e mester wordo drecha. Esaki lo costa alrededor di 16 milyon florin y ta algo hopi necesario mirando e echo cu e planta aki a surpasa su capacidad hopi tempo caba. Esaki ta encera cu un rato of otro e planta por kibra y e awa sushi aki por cubri henter e area.

Parlamentario Marisol Lopez Tromp fi fraccion di MAS ta splica cu e problema no ta solamente esaki. Discusionnan cu tabatin tambe ta riba e consecuencianan y risico cu e area unda e planta ta situa ta core: e zona hotelero. Si algo mester pasa cu e planta aki y parti di dje haya daño of kibra e pregunta ta: kico esaki lo nifica pa nos turismo, nos salud y full e infra-estructura den e vecindad?

Pa e motibo aki mes prioridad a wordo poni y ta importante pa e pueblo sa cu mas o menos un aña pasa a tuma luga un reunion publico den Parlamento unda cu e fraccion di MAS a exige claridad riba e CARMABI rapport.

E rapport aki ta duna un bista riba e parti di e situacion cu e area ta den y daño cu tin cometi na cierto beachnan, na e lama bou awa y tambe e efecto di e awa di desperdicio cu ta sali di e planta aki y cu ainda diariamente ta drenta lama. Ki efecto esaki tin riba e aspecto di bacteria, riba e piscanan y e efectonan cu e awa por tin riba hendenan local y tambe turistanan cu ta landa den e area.

Henter e discusion aki a conduci na un reunion publico caminda a resalta cu Minister President Wever Croes a tene e rapport aki scondi. Ni cuanto Parlamento a pidi e prome minister pa e rapport di CARMABI, e no a haci e rapport aki publico.

Ta e instituto di investigacion CARMABI na Curaçao mes a dicidi di haci e rapport publico y a publica esaki transparente riba su facebook. Y asina Parlamento di Aruba a haya e rapport aki pa lesa. Unabes cu a haya e documento oficial aki, Parlamento a yama un reunion publico pa haya claridad riba e resultadonan di e investigacion cu a wordo haci na Aruba.

Lider di fraccion di MAS parlamentario Marisol Lopez Tromp kier sa con leu ta cu e ehecucion y preparacion pa loke ta e renobacion y upgrading di e planta di RWZI y kico a para di e 16 milyon cu a wordo ubica pa esaki, den cuanto fase e renobacion lo tuma luga y pa ki tempo ta premira cu e trabounan lo cuminsa.



Proyecto di molina di biento parti di “afscheidbeleid”



“**D**onderslag bij heldere hemel” ta un dicho Hulandes, ora cu algo sali bin dilanti, sin cu ningun hende a spera esaki y esey ta e forma con tin cu splica henter e plan presenta pa entre otro Utilities NV y WEB Aruba NV pero tambe Minister di Energia, Glenbert Croes.

E anuncio aki tabata necesario, a spera algo asina pero no algo cu den cierto forma, na luga di sconde loke e mester a sconde, a confirma con desespera gabinete Wever Croes II ta den su situacion cu el a hinca su mes aden cu Hulanda.

Algo mester a wordo haci pa kita atencion di e posibel “aanwijzing” cu Secretario di Estado Alexandra van Huffelen a anuncia di ta den proceso pa ehecucion pero pa bin c’un plan asina bruha, un plan contradictorio, ta bolbe muestra e falta di vision total di e gobierno MEP-RAIZ.

No uno pero dos parke di molina di biento lo wordo construi, anuncia pa Minister Glenbert Croes, un mandatario y politico kende cinco año atras, tabata contra di un proyecto similar den e districto di Noord.

“Out of nowhere” ata gobierno presentando dos parke di molina, papiando di energia renovabel, papiando di reduccion di prijs di energia, argumentonan cu simplemente no ta wordo sosteni pa e propio maneho di e gobierno di Minister Croes.

Aruba tin problema cu su finansa, gabinete Wever Croes II ta den problema serio cu CAft y RMR pa loke ta presupuesto 2022 y practicamente no tin espacio financiero pa haci mucho cos, tampoco pa ehecucion di proyectonan.

No solamente esey ta e problema, pero dos luna atras mesun Minister Glenbert Croes a exigi WEB Aruba NV pa no introduci un aumento di tarifa di awa y coriente pero esaki no tabata factibel pa e compania di awa y electricidad cu un luna despues tog a dicidi di introduci e aumento di tarifa aki.

E situacion financiero di WEB ta delicado, no tin espacio pa subsidia e aumento di tarifa aki pa alivia e presion riba pueblo y riba comercio pero awor diripiente ta muestra cu WEB a haya placa, WEB lo haya placa pa ehecuta un proyecto cu a cay for di shelo sin spera.

Esaki pa motibo ta mesun gobierno aki dirigi pa partido MEP, for di 2017 bin ariba, a dicidi di cancela tur proyecto di gobierno di AVP pa loke ta energia berde y sostenibel, entre otro a cancela construccion di un parke di molina na Urirama.

Ta mesun gobierno di Minister di Energia Glenbert Croes, a cancela tur cooperacion cu TNO y otro companianan Hulandes, a cancela construccion di otro parke di solar panel cu nunca mas a mira luz di dia.

Gabinete Mike Eman a pone como meta cu pa 2020 Aruba lo a bira e prome pais na mundo cu lo ta 100% cu energia renovabel pero esaki tambe a ser poni un banda y awor por scucha Minister Croes fiha un fecha nobo pa 2050, sin presenta un solo detaye di e plan aki di su gobierno.

Tur loke por a mira dialuna ultimo cu presentacion di otro plan pa WEB Aruba NV, ta anuncio di un proyecto, cu mas tanto ta muestra como parti di e “afscheidbeleid” cu gabinete Wever Croes II a bin ta hibando ultimo lunanan caba.

For di reaccionnan cu a surgi na cantidad den curso di diamars, por deduci cu ningun hende sa algo concreto di e plan di gobierno aki, hasta a acusa Director di Utilities di ta envolvi den algo cu e no tin autoridad pa presenta of forma parti di dje, confirmando e confusion grandi cu Minister Croes y su gobierno a bolbe crea.

Gobierno no tin placa, gobierno lo no haya placa por lo pronto, gobierno no tin plan algun pa ehecuta ningun proyecto na e momentonan aki, mirando e situacion cu gabinete Wever Croes II a hinca su mes aden cu CAft y RMR.

Diripiente for di nada ta sali e proyecto aki, caminda practicamente no ta papia di Eagle LNG mas y mesun sistema cu a ser haci cu e ultimo compania aki, cu molinanan di biento ningun hende sa cua grupo of compania lo wordo privilegia cu e proyecto aki den futuro, parti di un tipo di “afscheidbeleid.”

Studia na Hulanda lo bira 105 euro mas caro otro año

Inflacion lo haci esaki ainda mas caro

Un disgusto grandi a reina ayera den seno di organisacionnan estudiantil na Hulanda ora cu a bira conoci cu gobierno pa inicio di temporada escolar nobo otro año, lo introduci un aumento di 105 pa loke ta ser yama “collegiegeld.”

Mayoria di organisacionnan di studiantenan na Hulanda, a considera esaki otro cant'i man financiero pa studiantenan caminda varios di e sindicatonan representando studiantenan, ta considera esaki un aumento riba un debe di studiantenan cu ta hopi grandi caba.

E organisacionnan aki a considerando ki paso nan lo tuma den proximo diano ya cu realmente hobennan cu kier specialisa nan mes, ta simplemente hinca nan mes den debe caminda hopi di nan despues no por cumpli cu nan obligacionnan.

Segun e participacion di gobierno, pa proximo año escolar, studiantenan lo no tin cu paga e suma di 2209 euro mas na collegiegeld pa año pero cu esaki ta wordo aumenta te na e suma di 2314 euro cu sin duda ta haci un gran diferencia den e situacion financiero di hopi estudiante.

Organisacionnan di studiantenan lo reuni den diano dilanti riba e situacion aki ya cu e ta un decision sumamente pisa y cu lo tin su efecto negativo riba e situacion financiero di studiantenan.

Segun Joep van Dijk presidente di e federacion di studiantenan SRVU, e medida di gobierno aki ta mas gasto riba gastonan caba cu tin ta afectando tur hoben cu ta specializando nan mes na e momentonan aki.


El a subraya e hecho cu ya caba prijs di camber pa studiantenan a conoce un aumento di 307 euro den algun ciudad mientras cu acerca studiantenan ta wordo confronta cu aumento di prijs di energia y aumento di un inflacion cu ta sigui un rumbo ariba caminda no tin fin na bista.

A menciona tambe cu aumento di energia a aumenta entre 50 pa 80 euro pa luna loke ta haci cu hopi estudiante lo haya nan mes den situacion financiero di cual nan no por yuda nan mes.

LANDSPAKKET

Ora cu analisa e asunto aki, tin cu corda cu gabinete Wever Croes II a firma un Landspakket pa medio di Prome Minister Evelyn Wever Croes caminda Hulanda tambe lo tin di bisa den e sector educacional di Aruba.

Recientemente ya caba a papia di aumento di “schoolgeld” cu ainda no a oficial pero ta mas cu claro cu e desaroyo cu ta tumando luga na



Hulanda, lo por wordo implementa aki na Aruba tambe como parti di e Landspakket cu tin riba mes ainda pa wordo ehecuta.

Pues un aumento den e direccion aki ta algo inevitabel mirando con autoridnan Hulandes mes ta mira esaki den nan propio pais.

Esaki ta pone cu pa otro periodo escolar na 2023, ya por anticipa for di awor caba cu studiantenan di Aruba cu lo biaha pa sigui studia na Hulanda, lo haya nan mes cu un biaha e scarsedad di camber pa estudiante, lo wordo confronta c'un aumento di collegiegeld y tur otro asuntonan di inflacion cu por lo pronto lo no wordo alivia segun indicacionnan cu tin na Hulanda.

PAN BATI, SCABECHI, SEAFOOD SALAD, SULZ, SANGER YENA, CONCOMBER OF PAPAYA STOBA, SANCOCHO, AWA DI PLAYA, QUESILLO, PANBOYO, BOLO PRETO AND MUCH MORE!

AUTHENTIC ARUBAN & CARIBBEAN BUFFET

Elements RESTAURANT

LOCATED AT BUCUTI & TARA BEACH RESORT

RESERVATIONS REQUIRED

elementsaruba.com | +297 592 5868

ADULTS ONLY | CASHLESS | NO SMOKING | NO GROUPS

\$24.50

SERVICE CHARGE INCLUDED

E paisnan cu e prijs di gasolin mas abou y mas halto di mundo

Hong Kong tin e prijs di mas halto di mundo (US\$2.98 pa liter, US\$11.28 pa galon), pero e no e ta esun mas caro pa e nivel di bda di su población, segun e “ranking su población, segun e ranking di gasoline affordability ranking, elabora door di Global Petrol Prices, un proyecto cu ta colecta y analisa datonan energetico.

“Tin paisnan exportado di petroleo, manera Qatar y Kuwait, cu ta mantene e prijs di combustibel hopi abou door cu ta subsidio e producto, pero tambe tin e economianan avansa, manera Merca y Australia, unda cu e combustibel ta mas caro pero e entradanan ta halto,” Neven Valey, director di Global Petrol Prices y di Proyecto Economia Global.

“Den e extremo di e escala ta situa principalmente e paisnan pover. E gasolin eyan no ta specialmente caro pero e nivel di entrada ta hopi abou,” el a agrega. Asina Qatar, Kuwait, Luxemburg, Estados Unidos y Australia ta e paisnan cu e prijs mas accesibel pa cartera di su habitantenan. En cambio Mozambique, Madagascar, Malawi, Sierra Leona y Ruanda tin e prijsnan mas caro en relacion di e nivel di entrada di cada nacion.

Ora cu mundo ta memey di un crisis energetico, e prijs di gasolin a bira un preocupacion central den mayoria di e paisnan cu mester cumpra combustibel den e mercadonan internacional pa cumpli cu e demanda local.

E paisnan cu e miho prijs di gasolin pa su poblacion ta:

- Estado di Catar Asia
- Kuwait Asia
- Luxemburg Europa
- Estados Unidos Norte America
- Australia Oceanía

E aumento frenetico di e prijs di combustibel manera petroli, gasolin, diesel y has a sacudi economia mundial, memey di un ola di inflacion cu ta golpendo e presupuestonan familiar grandemento. Y causando problema den e gastonan di credito (door di aumento di e tasan di interes) y e crecimiento economico.

Pais cu e prijs di gasolin mas halto pa su poblacion:

- Mozambique África
- Madagascar África
- República di Malawi África
- Sierra Leona África
- Ruanda África

Aunke cu e fluctuacion di prijs di petroleo den e mercadonan internacional ta afecta e prijs di gasolin cu consumidonan ta paga, e situacion ta hopi diferente na cada pais dependiendo si ta trata di un nacion exportado of importado di crudo, si tin e capacidad pa refina esaki, y di otro factornan manera cuanto ta e nivel di subsidio cu gobiernonan ta aplica. Otro forma di clasifica e paisnan ta directamente a base di e costo di liter di gasolin, independientemente di e nivel di entradanan di un nacion.

Desde e perspectiva aki, e prijsnan mas abou ta na Venezuela, Libia, Iran, Argelia y Kuwait. Di otro banda di e balans, esnan cu e prijsnan mas halto di mercado ta: Hong Kong, Islandia, Zimbabue, Noruega y Republica Centroafricana.

Gasolin na Latino America:

E ranking di accesibilidad ta compara e prijsnan di gasolin na 150 pais, aunke no tur e paisnan Latino no ta forma parti di e lista.

Tin un lista di e paisnan di e region ordena for di e nacion unda e gasolin ta mas accesibel pa su poblacion, te na esun unda e prijs ta resulta mas caro pa su habitantenan. A traha e lista aki teniendo na cuenta e costo pa yena un tanki di gasolin di 40 liter.

Segun e calculo

Segun e calculo aki, e paisnan cu gasolin menos costoso pa su poblacion lo ta Panamá, Chile y Colombia, mientras cu e paisnan cu e costo mas halto ta Nicaragua, Honduras y El Salvador.

Na inicio di e aña’ki, e prijs averahe mundial di gasolin tabata di US\$1,23 pa liter.

Cu transcurso di lunanan, el a subi te cu fin di juni el a alcanza e punto mas halto, ora cu el a yega na US\$1,50 pa liter.

Actualmente e ta sigui un curva bahando cu ta pone esaki na US\$1,31, o sea cu e prijsnan ta yegando e nivelnan prome cu guera.

Algo parecido ta sosode cu petroli den sentido cu “tur cos ta muestra cu lo tin un reduccion lento y gradual di e prijsnan di crudo te na e nivelnan prome cu guera”.



Minister Glenbert Croes:

Tur proyecto energetico cu bin riba e zona di refineria mester uza gas natural



lagando HFO pa pasado y ta bay over pa gas.

E vision di industria energetico y desaroyo di e zona di refineria ta encera diferente proyecto energetico cu ta parti di un vision total, por ehempel Eagle LNG. Tankin cu ta na e sitio lo mester wordo renoba, lo uza cierto facilidadnan /unidanan di e refineria cu ta den bon condicion y lo bin proyectonan pa produci renewable bio-diesel cu por exporta pa Europa, pero tur esey por medio di tecnologia moderno y den un zona hopi mas compacto.


Minister Croes a sigui bisa cu Rodgers Beach y rond di e area aki lo wordo desaroya completamente. Tin cierto parti cu por wordo sanaa, cambia, y desaroya pa atrae mas turista hotelero, condominium, y centro comercial. E vision ta pa tin dos caminda cu ta conecta cu Downtown San Nicolas cu lo ta centro di e siguiente 'boom' economico pa nos pais, Minister Croes a expresa. 'Nos ta bay paso pa paso cu e desaroyo, pa asina segura e exito cu kier. Pasobra ta un oportunidad tin pa desaroya ful e zona na un forma responsabel y balansa. No manera antes cu desaroyonan tabata tuma luga ad hoc.' Pues lo tene cuenta cu e beneficio di loke ta bin no ta solamente pa San Nicolas, pero pa henter Aruba, protehando medio ambiente, percurando pa e beneficia Aruba economicamente, crea cupo di trabou y genera entrada pa Gobierno di Aruba.

Terminando Minister Croes a enfatisa cu lo manda e recomendacionnan pa gobierno, pa hunto tuma decision riba e vision pa desaroyo di e area. Ta segura cu kico cu bin, lo bay ta hopi mas miho cu loke tabata t'ey. Energia ta bay keda e curason di e desaroyo di e industria riba zona di refineria.

Pa local ta e desaroyonan relaciona cu refineria, Minister Glenbert Croes Labor, Energia y Integracion a anuncia cu ta terminando algun recomendacion pa presenta na Gobierno di Aruba. Ta trata di proyectonan di industria energetico riba e zona conoci como e zona di e refineria. Minister Croes ta enfatisa cu tur operacion cu bin pa loke ta trata proyecto energetico riba e zona di refineria, mester bay uza gas natural, mescos cu WEB cu ta

VISION DI MINISTER DI ENERGIA Y GABINETE WEVER CROES 2

- Introduccion di gas lo trece hopi beneficio pa nos Pais: pa produccion di energia, pa refineria, riba tereno industrial y eventualmente hasta transporte automobilistico y casnan na Aruba.
- E proyecto di un instalacion di gas LNG, lo haci cu Aruba por bira e hub pa almacena dicho producto den Caribe.



VISION DI MINISTER DI ENERGIA Y GABINETE WEVER CROES 2

- Energia pagabel, sostenibel, duradero y limpi pa compania- y hogarnan na Aruba.
- Reduccion di emision di CO² cu 45% na aña 2030 pa un medio ambiente sostenibel pa cumpli cu e meta di Nacionnan Uni pa combati efectonan di calentamiento global cu 1.5° C.
- Logra cumpli cu e tratado di Paris pa aña 2050 unda Aruba tambe ta contribui na un medio ambiente sostenibel.



B&P/INTERFACE ARUBA N.V.
Consultancy and Training

Upcoming Training Schedule

- Practical Management (September 5)
- Human Resources Management (October 5)



facebook.com/bpinterface

For additional information and registration please contact us!
Email: bpinterfaceaia@setarnet.aw Tel : 594-5533 / 587-7850



Minister Rocco Tjon:

A haya aprobacion di Parlamento pa ayudo extra pa RESPALDO



Dialuna mainta, minister di Husticia y Asuntonan Social Rocco Tjon a atende un reunion di comision central, caminda a pidi aprobacion di Parlamento di Aruba, pues a busca e “gevoelens” di Parlamento pa ayudo financiero pa Respaldo. Mas specifico, a pidi un suma di 300mil florin pa asina surpasa e retonan cu nan ta confrontando actualmente. Na mes momento a haya aprobacion tambe, pa pasa e fondonan di AZV pa e ekipo cu ta encarga pa atende cu e lista di espera, pa loke ta e parti di salud mental. Banda di esaki, a haya aprobacion pa por pasa e cuater miyon Euro cu Hulanda a pone disponibel pa amplia siguridad na nos frontera.

Segun e mandatario a splica, mirando cu ta trata di proyectonan cu un duracion di un aña, a ricibi varios pregunta di cada fraccion, di con ta bay continua cu esakinan a largo

plaso. Pa contesta e preguntanan aki, minister Tjon a splica cu e ta importante pa e werkgroepen cu ta trahando aworaki den cuadro di GGZ percura tambe pa e “eerste lijn” keda lo mas accesibel cu ta posibel, pa asina evita cu tin listanan di espera. E prome resultado ta muestra cu pashentnan aworaki por wordo trata mas lihe, mirando cu tin un grupo adicional cu ta haci e triage. Na mes momento tambe ta ampliando e basis zorg pues e basis GGZ pa asina evita cu personanan ta wordo dirigi pa e parti di “specialistische zorg” esta; Respaldo.

Banda di esaki, a trata tambe e plan di accion pa loke ta siguridad na nos frontera, cual ta consisti di cuater miyon Euro cual ta designa pa diferente proyecto. E parti infrastructural ta esun menos, pero tin e parti di opleidingen y e parti pa loke ta “handhaving”, ambos na e parti aereo como e parti maritimo, e proyectonan aki ta defini caba.

E plan aki a wordo skirbi door di tur e stakeholders di e cadena hudicial akinan na Aruba y na mes momento a conta cu aprobacion di Hulanda tambe. Manera ta conoci tin coleganan na Aruba di Marechaussee cu ta yuda fortifica e siguridad na nos frontera door di traha hunto cu coleganan di entre otro, Inmigracion y e unidad di mensenhandel en mensensmokkel.

Por ultimo, minister Tjon a expresa cu e ta wak bek riba un reunion sumamente positivo, caminda a ricibi varios pregunta tecnico for di cada fraccion presente na e reunion, y na final a ricibi aprobacion di fraccion di MEP, Raiz y AVP, cual tur a bay di acuerdo cu cada peticion.



**INVEST
SECURE N.V.**

We don't just say it... We Guarantee it!!!

**PROTECT YOUR RESIDENCE,
GROW YOUR BUSINESS, not your risks**

By using the right tools, people and procedures, our security teams can assist you, giving a clearer view of your risks, ensure appropriate security investment and demonstrate value to what matters most to you.

***With more than 20 years of experience,
we are committed to the profession***

Call us for a free estimate at:
Tel: 582-7252 or Email: insec@setamet.aw

Rumannan Klaber cu bon actuacion den e di XIV Costa Rica Open di rumannan Klaber



Den fin di siman a tuma luga na Heredia Costa Rica e di XIV Costa Rica Open G2 event. Joshua y Jourdé Klaber a participa den e categoria di adulto -58 kilo.

Jourdé Klaber su prome pelea a bay contra di Adrian Penalba di Panama y Jourdé Klaber a gana 2-0. Jourdé Klaber a topa cu Gavin Grant di Merca y el a perde e pelea 2-0.


Joshua Klaber a bringa su di 5 evento den e categoria di adulto y a topa cu Vicente Pizarro di Chile. El a cuminsa e pelea bon, ganando e prome rond 17-5 pa despues bin y perde 2-1.

Jermain James di Merca a coach rumannan Klaber. Jermain James a remarca cu cada evento ta un experiencia mas pa e rumannan Klaber.

Presidente di Aruba Taekwondo Bond Sr. Moises Fernandez ta satisfecho cu e resultado di e rumannan Klaber den e di XIV Costa Rica Open y ta hopi contento cu e medaya di Oro di Srta. Jenniffer Baez Garcia. Training ta sigui pa e proximo evento di G2. Awo rumannan Klaber tin dos dia di descanso pa asina sigui cu training y despues atende un camp training pa 3 siman pa prepara pa e proximo evento



f TodomarAruba @TodomarAruba TodomarAruba +297 585 0555



Fundacion Movimiento ta Bida ta presenta torneo bola 8 Copa Jani Brokke 2022 60+!



Fundacion Movimiento Ta Bida, en conexion cu su torneo Copa Jani Brokke 2022, ta presenta un tremendo torneo di biyar bola 8 pa tur esnan di 60 aña bay ariba. Un invitacion ta bay pues pa tur e legendario di añanan 1940 bin ariba, cu ta sinta bou palo di kwihi conta “sterke verhalen” con nan tabata bari mesa tempo di nan tempo!

Wel awo t’e momento pa “step up to the table” y demostra con antes ta rond un capoti!

Pa tur info tocante inscripcion (tin luga p’un maximo di 32 hungado), por contact sr. Moonchi Kelly na celular 699-1994. Inscripcion ta completamente gratis, y manera indica, tin lugar pa maximo 32 hungado, dus “First Come, First Served”! Yega cerca Moonchi, pasobra esnan tempran ta bebe awa limpi!

E torneo lo cuminsa diasabra awor 3 di september, lo sigui

diasabra 10 di september, y lo termina diasabra 17 di september. Tur tres evento lo tuma luga na Fermin’s Bar BQ na Bubali, net n’e rotonde di Bubali. Tur tres evento lo cuminsa 2’or di merdia, cu excepcion di diasabra awor 3 di september caminda lo cuminsa tira lot pa 1:30. Tur entrada pa tur tres etapa dje torneo ta completamente gratis y diasabra awor lo tin un banda live c’un ambiente mas cayente cu Dubai!

Ariba e prome etapa, 3 di september, niun participante lo keda elimina! Esnan cu perde dia 3, lo enfrenta otro den loser’s round ariba dia 10, y ey si lo ta un ambiente di corta rosea pasobra ta un pa tera un pa lama! Dia 17, tur esnan cu a sobrevivi lo enfrenta otro pa wak ken ta keda cu e Copa Jani Brokke 2022. For di info ricibi den “wandelgangen” ya caba nos tin number di basta hungado legendario cu a inscribi caba, e.o. e famoso “Shorry” Giel, “Lucky Luke” Lucas Tromp, e legendario Edwin Chirino, Carlo “Pythagoras” Croes, Maikel “Opname” Tromp, Omar “Kilowatt” Lampe, y varios otro mas! Shonnan, diasabra awor, lot lo wordo tira pa 1:30 na Fermin’s Bar BQ y e torneo dje legendarionan Copa Jani Brokke 60+ lo start pa 2:00 PM! Yega!

Aruba Bank ta patrocina The Ultimate Challenge 2022



Aruba Bank recientemente a patrocina e evento di resistencia: The Ultimate Challenge 2022, cu a cuminsa cu kayak na Malmok, coremento te na Tres Trapi, sigui pa landamento rumbo Arashi, y posteriormente a sigui cu bicicleta te Kapel di Alto Vista y Natural Bridge. E challenge a caba cu un trail run bek pa e punto di salida. E aña aki un total di 7 ekipo a participa na e evento.

Aruba Bank ta orguyoso y contento di a forma parti di un evento cu a y ta test e resistencia di cada participante den diferente etapa nan. Deporte semper ta y lo keda importante pa Aruba Bank y ta keda promove esaki door di haci donacionnan den e grupo aki.

Na final di evento, e ekipo FX Palo di Maishi a bira e ganadonan absoluto di e 2022 The Ultimate Challenge.

Pabien na e organisadonan pa un tremendo evento y tur participantenan pa un tremendo participacion.



AWEMainta

Entrega bo pintura y haya un ticket gratis



Pa participa:

- Like nos pagina riba Facebook
- Comment **#AweMainta** y **#CaribbeanMonsterTruck**
- Valido pa mucha te cu 12 aña
- Pinta y entrega e imagen na oficina di AWEMainta

Adres: Avenida Milio Croes 47 lokaal 4

Sindicato VWI di WEB ta keda preocupa y no ta compronde cu Utilities ta tuma tarea di WEB y ELMAR

Dialuna, 29 di augustus 2022, Gobierno di Aruba (GdA), Utilities Aruba N.V., WEB Aruba N.V. y N.V. ELMAR, hunto a tene un conferencia di prensa informando pueblo di Aruba kico e plannan pa energia renovable di e “vision” y “plan energetico” di GdA ta encera. Nos por a tende su Excelencia Minister di Energia papia di e extension di e parke di molina di biento na Rincon y tambe di mas energia solar y e ta papia manera un cos cu ta un “switch” bo ta flip y e extra molina di biento y e extra energia solar lo funciona perfectamente. Esaki VWI-Vereniging ta bisa den un declaracion di prensa como reaccion.

“Nos ilustre director di Utilities Aruba N.V. ta papia cu N.V. ELMAR, banda di WEB Aruba NV, tambe tin un concesion pa produci coriente. Esey ta corecto. WEB y ELMAR, tur dos, tin concesion pa por produci coriente, pero Utilities Aruba NV NO TIN tal concesion ni permiso legal pa produci ni distribui coriente. Awo e pregunta ta, y ta keda: Si Utilities Aruba NV NO TIN un concesion ni permiso pa produci coriente e ora pakico, cueste loke cueste, Utilities Aruba NV kier lidera e Expression of Interest (EOI) di e expansion di molina di biento na Rincon?”

Utilities Aruba NV no tin licencia pa produci ni distribui coriente y tampoco pa haci ningun actividad ni iniciativa comercial cu ta encera compra of produccion of distribucion di coriente. Pero, NO MATTER WHAT, ta Utilities Aruba NV MESTER lidera e EOI aki di molina di biento y lagando e compania cu tin tur experticio, experiencia, y recursonan pa haci tal destaho na un manera profesional y obhetivo, esta WEB, keda sinta un banda ta keinta banki.

Nan ta puntra pakico no ta laga e companianan cu tin e concesion pa produci coriente lidera e EOI aki? Utilities Aruba NV, cu sosten di Gobierno di Aruba, ta trapa flagrantemente riba e Good Corporate Governance Code cu zowel Utilities Aruba NV y Gobierno di Aruba ta bati riba nan pecho y ta bisa di ta pone na “prome luga” den e cuadro di “integridad” di gobernacion. “Cu tur respect pa e director di Utilities Aruba NV, pero ta kico e sa di e materia di

produci coriente cu molina di biento, zowel comercial como tecnico? Net net nada. Nos ministro di energia y nos director di Utilities Aruba NV ta pinta un ‘picture’ masha bunita y ta papia masha hopi sin bisa algo cu ta make sense, y asina ta tira santo den pueblo su wowo.”

VWI, e asociacion di staff y profesionalnan di WEB, no ta contra produci coriente cu mas molina di biento. VWI no ta contra produci coriente cu mas energia solar. Al contrario, manera ta conosi caba, e strategia di WEB desde 2014 ta inclui mas energia di biento y mas energia solar. Pero, esaki tin cu ser plania y ehecuta na un manera tecnicamente y comercialmente responsabel y prudente sin metemento y interesnan netamente politico den e desaroyo di esaki.

Futuro energetico di nos pais no ta un wega di mucha of un topico pa amateurnan politico (no ta porta di cua partido), of nan compinchinan, bin mete den dje. Laga e materia complica aki pa profesionalnan den e materia cu sa, y cu TUR dia ta traha cu, y den, e materia aki.

Un biaha mas: Utilities Aruba NV no tin concesion ni permiso legal pa pone un destaho di tal indole riba su number. E tal “Utilities Group” cu ta ser menciona no ta existi manera un entidad legal. Laga tal destaho pa e compania cu sa di e materia y di cual nan profesion ta encera proyectonan energetico grandi di tal indole. E conferencia di prensa di ayera tabata uno hopi zwak y bashi den contenido.

Cu Utilities Aruba NV, cueste loke cueste, kier pone e EOI aki riba su number y cu ta Utilities Aruba NV tin e “final word” den scoge cua compania ta bin sinta na mesa pa negocia un PPA di molina di biento, no ta normal, ta bay contra tur bon gobernacion, y ta duna di pensa riba posibel cosnan sumamente preocupante.

E cos aki ta hole un otro LNG- style contract y cu un otro Non-Disclosure Agreement (NDA) geplak su tras! Dus, ZERO transparencia! Manera e Hulandesnan ta bisa: “mensen, waar zijn jullie nou alweer mee bezig?”

Directiva General di VWI.

Vereniging van Werknemers met een Individuele Arbeidsovereenkomst in dienst van de Water- en Energiebedrijf Aruba (W.E.B.) N.V. (de VWI-Vereniging)



Camaranan di Comercio y Industria di Caribe Hulandes ta pidi pa habri frontera cu Venezuela



Siman pasa e miembronan di e asociacion di Camara di Comercio y Industria di Caribe Hulandes (DCCC) a reuni na Corsou. Durante e reunion a discuti varios asunto relaciona cu e economia di e islanan Caribe Hulandes y a intercambia ideanan encuanto nan servicio. Alabes, a delibera riba e “Landspakket”, relacion cu Venezuela, reglanan nobo di registro di negoshinan y con pa mehora e conexion economico di e islanan. DCCC ta consisti di Camara di Comercio di Aruba, Bonaire, Corsou, Sint Maarten, Saba Y Sint Eustatius cu ta representa mas di 65.000 empresa en total.

Despues di un dia fructifero di delibera riba diferente topiconan y intercambia conocimiento y ideanan, e miembronan di DCCC a firma un documento cu 3 punto cu ta importante pe e economia di e islanan:

1. Camaranan di Comercio y Industria ta apoya e implementacion di “Landspakket” pa aumenta e resiliencia di e economia di e islanan di reino. Alabes, ta considera esencial pa e reforma fiscal, social, economico y laboral conduci na un mehoracion sostenibel. Den e documento tambe ta

declara cu ta fundamental pa tin un enfoque holistico y integral y cu e participacion significativo y oportuno di e stakeholdersnan ta di sumo importancia. Ademas ta enfatisa cu pa aumenta e transparencia di e reformanan, mester pone e recomendacionnan disponibel pa publico.

2. Pa habri frontera cu Venezuela mas pronto posibel teniendo den interes di nos comunidadnan y pa promove y facilita comercio.

3. Pa stimula y promove e comercio entre e islanan di e manera mas economico y mehora e conexion economico entre e islanan.

E documento a wordo firma door di Sr. W. Jonckheer, Presidente di Camara di Comercio y Industria di Corsou, Sr. H. Groot, Presidente di Camara di Comercio y Industria di Bonaire, Sr. H. Van Xanten Presidente di Camara di Comercio y Industria di Saba y Statia, Sra. J. Carty, Presidente di Camara di Comercio y Industria di Sint Maarten y Sra. M. Kock, Presidente di Camara di Comercio y Industria di Aruba.

AHATA ta haci donacion na Fundacion Ban Uni Man Pa Cria Nos Muchanan

Despues di a scucha e noticia precupante di e falta di fondo cu fundacion Ban Uni Man Pa Cria Nos Muchanan ta enfrentando, Aruba Hotel & Tourism Association (AHATA) a haci un donacion pa yuda e fundacion. E suma cu ta wordo duna lo yuda e fundacion sigui sostene e cantidad di muchanan cu ta inscribi serca nan. Mientrastanto Presidente y CEO di AHATA Sra. Tisa LaSorte lo bay sinta cu Directiva di e fundacion pa discuti e forma cu AHATA por sostene nan na un forma structural. Como AHATA ta un organisacion di dunador di trabao cu ta traha pa e sostenibilidad di Aruba su turismo y economia, un parti grandi y esencial ta pa segura un bon educacion pa nos muchanan. E ta hopi importante pa cada mucha come un bon desayuno pasobra e ta yuda e mucha su capacidad pa concentra y siña miho.

A cuminsa monitor malesanan infeccioso na Aruba



Kisas bo por a wak e poster den e oficina di bo dokter di cas? Dokternan di cas di Aruba ta trahando hunto cu e instituto di investigacion di Hulanda, Nivel, pa por elimina efectivamente malesanan infeccioso aki na Aruba. Pa por realiza esaki na Aruba lo crea un sistema digital- mescos cu na Hulanda- pa monitor con e malesanan infeccioso ta plama: Red di Registro di Dokter di Cas di Aruba. Cu e informacion cu wordo colecta cu e red aki, malesanan infeccioso por wordo señala na tempo cu asina por tuma e medida specifico pa elimina e malesa aki. Asina por alcanza un miho salud publico na Aruba.

Pa por elimina malesanan infeccioso efectivamente, ta esencial pa sa cual malesanan ta circula y con lihe nan ta plama bou di e poblacion. E Red di Registro di Dokter di Cas di Aruba, por percura pa por haci e informacion aki disponibel. Un 'Early Warning System' pa malesanan infeccioso

Con e Red di Registro di Dokter di Cas di Aruba ta funciona? Dato encuan to problema nan di salud di e ciudadano cu bay cerca su dokter, lo wordo colecta. E dokter di cas ta registra

e dato aki den su sistema electronico. Dor di colecta e dato aki for di e sistema electronico di e dokter di cas, nos lo por haya un bista actual di e malesanan infeccioso cu ta circulando ariba nos isla. Cu e Red di Registro di Dokter di Cas di Aruba, Aruba lo tin un 'Early Warning System' pa malesanan infeccioso.

Bo privacidad ta protegi

Si bo dokter di cas ta participa na e Red di Registro di dokter di Cas di Aruba, dato encuan to bo salud lo por wordo colecta for di e sistema electronico di e dokter di cas. P'esey ta importante pa menciona cu lo NO colecta ningun nomber ni tampoco adres di ningun pashent, pero solamente lo colecta dato cu ta codifica (pseudonimisa). E cantidad di malesanan infeccioso nunca por wordo relata na un persona! E dokternan di cas di Aruba y Nivel ta mantene nan mes na e leyman di privacidad di Aruba y di Hulanda.

E siguiente poster aki bo por wak den e kanto or di bo dokter di cas. E Red di Registro di dokter Cas di Aruba ta forma parti di e Red di Registro di Dokternan di Cas den region Caribe Hulandes.

Bo kier sa mas?

- Un poster encuan to e proyecto aki lo ta colga den e oficina di e dokter di cas cu ta participa na e proyecto aki.
- Por bay ariba e medio social di e dokter di cas pa haya mas informacion.
- Ariba e website por ricibi tur informacion encuan to Red di Registro di Dokter di Cas Region Caribe Hulandes. www.nivel.nl/hrnc

Exposicion Lens di Mi Wowonan ta bek pa honra prensa

Dialuna mainta RBC, sponser principal, a anuncia apertura di e di 15 edicion di "E Lens di mi Wowonan" riba dia 1 di september.

Leo Vrolijk, motor tras di e proyecto aki pa 17 aña caba, a splica e motibo di e ausencia e ultimo dos añanan. Esaki ta e di 15 edicion di e exposicion Lens di Mi Wowonan. Door di COVID e ultimo dos añanan no tabatin e expo. E aña'ki a ricibi 125 potret y tin 17 participante.

Tur aña ta dedica e expo na un persona, y e aña aki ta toca e honor na Jason Inesia di 24ora/TREMPAN y tambe na Rudolf Haseth di Diario. Ambos tin basta aña den e mundo di fotografia.

PREMIO DJISPIE FRANKEN

A papia tambe di e premio cu a introduci dos aña pasa



considera como Premio Rookie, cual despues a bira Premio Djispie Franken. E aña ey a otorga esaki na Brian Koolman di 24ora.com pa su trabao. E aña aki ta dedica e premio na Andrew Vrolijk.

Exposicion lo habri dia prome di september, riba Dia di Prensa, na Biblioteca Nacional, pa 7:30pm y pa un luna largo lo por pasa wak e expo. Esaki lo ta habri pa publico entrante 2 di september. E muchanan di scol tambe por bin wak durante ora di Biblioteca.



Algemene Ziektekosten Verzekering

Tur pashent di dokter Rolfast tal pasa pa dokter Lasten

E contrato entre dokter Corina Rolfast y OE AZV ta termina. AZV ta gradici dokter Corina Rolfast pa e servicio cu el a brinda e aseguradonan.

Entrante 1 di september 2022 un traspaso automatico ta bay tuma luga. Tur pashent inscribi cerca dokter Corina Rolfast ta wordo pasa automaticamente pa e dokter di cas nobo, esta dokter Percey Lasten. Servicio medico ta continua via e mesun adres y number di telefon, esta Santa Cruz 52, number di telefon 5822222. Pa esnan cu tin e AZV app, lo wak e cambio aki den e Menu →bo dunadonan di cuido. Si bo no tin e AZV app ainda, nos ta invita bo pa download esaki y registra pa bo digi-ZorgPas.

Dokter di cas nobo

Dokter Percey Lasten ta un dokter naci na Hulanda pero cu a biba varios aña na Aruba. El a studia medicina general na Radboud Universiteit Nijmegen y despues a specialisa pa dokter di cas na Maastricht. Cu hopi experiencia y passion, dokter Percey Lasten ta cla pa yuda su pashentnan. Ta di menciona cu dokter Percey Lasten ta domina bon e idiomaan Hulandes, Papiamentu, Ingles y hasta razonablemente bon Spaño.

A certifica 5 Hypnotherapista



*d.r.p.d. Dr. Emile Keuter, Eddy Oduber, Greg Peterson.
Sinta: Zxavi Hoek, Kathryn Baptiste y Juritza de Cuba.*

Cu grato placer Aruba Hypnosis Center ta anuncia cu Dr. Emile Keuter, Greg Peterson, Juritza de Cuba, Kathryn Baptiste y Zxavi Hoek a certifica como hypnotherapista. E curso basico pa avansa a wordo duna na e training Center di Aruba Hypnosis. Pa Dr. Emile Keuter, neurologo local, e parti di e curso cu pe mas a destaca ta e parti practico.

E curso ta basa ariba e metodo di OMNI Hypnosis Training Center, crea door di Jerry Kein y ta wordo considera e scol di hypnotherapie mas prestigioso na mundo. E curso ta consisti di 7 dia (100 ora) di training intenso cu hopi practica y demostracion. E curso a wordo presenta door di Eddy Oduber cu tin mas cu 16 aña di experiencia den hypnotherapie. Kathryn Baptiste, cu

a bin for di Trinidad pa atende e curso, a comenta cu el a keda encanta cu henter e curso.

Eddy a certifica como un Certified Designated OMNI Hypnosis Instructor na 2013 y tin algun aña ta duna e curso un biaha pa aña na Utah, USA. Pa motibo di Covid, aña pasa y e aña aki e curso a wordo duna na Aruba. Juritza de Cuba, un psycholoog, a comenta: siña di e miho y ta bo miho.

Ademas di curso di hypnotherapie avansa, tambe tin curso di self-hypnosis cual proximo lo tuma luga na october.

Pa mas informacion:

Aruba Hypnosis Center NV Email:

hypnosis@arubanet.com

WhatsApp: 5922745



Parlamentario Alvin Molina (MEP):

Augustus scur, un lucha esencial pa por a logra nos autonomia.

Diaranson ultimo mi a presencia e prome encuentro oficial cu publico di e Fundacion Formacion Politico Nelson Oduber. E fundacion a organisa su prome charla cual tabata uno interesante, educativo y inspirativo riba e topico 'Historia di Augustus Scur'. Oradornan Sr. Harry Croes y nos lider Honorario di partido MEP, sr. Nelson Oduber a comparti cu nos nan experiencia di loke a hiba na e augustus scur. E lucha di e homber y muhenan balente, e manifestacionnan cu a hiba na logronan grandi pa nos pais. Pa awe nos tin nos libertad, Status Aparte y autonomia.

E accionnan di augustus 1977 y e referendum di 25 maart 1977 tabata e base pa sigui traha pa prepara nos futuro pafo di gobierno Antiano, miho bisa pafo di Antias su constelacion.

Nos ta gradici Betico y MEP, su integrantes y tur cu a uni forza cu nos por a yega Conferencia di Mesa Rondo na 1981 y 1983 cu a conduci cu Aruba a sali for di e constelacion Antiano dia 1 jan. 1986, cu nos a elimina e 2 formanan di gobernacion, e 2 bestuurscollegenan cu awe nos por determina nos propio futuro, destino cu tur e instrumentonan legal, economico ta den nos propio man, tin propio parlamento, propio Himno, Bandera, ortografia, propio Banco Central y moneda Arubano.

Mi ta gradici directiva completo di e fundacion pa organisa un encuentro asina inspirativo pa inculca y conserva nos historia.



Minister di Cultura Xiomara Maduro presente na Show y Coronacion di Reinanan Folklore Cultural 2022



Diasabra ultimo Minister di Cultura tabata presente na Centro di Bario Brazil pa e acto di coronacion y shownan cultural organisa pa Fundacion Chico Harms y Fundacion Bernadina Grovell relaciona cu Celebracion di Dia di Brazil. Den su discurso na e publico presente e mandatario a trece dilanti cu Cultura Bo tin cu bib'e y na Brazil sigur esaki ta wordo biba, p'esey Minister Maduro ta gradici ambos fundacion cu ta traha duro pa keda presenta e bunita shownan y e paradanan cultural cu lo tuma luga proximamente. E mandatario a haci un invitacion na un y tur pa presencia e parada, como tambe esnan cu por pa participa den esaki y biba nos cultura y aporta na local ta di nos. Un pabien na tur e reinanan cultural y deseonan di hopi exito y cu nan lo sa di representa Aruba su folklore den tur eventonan importante di nos Pais. Durante e acto di coronacion di e reinanan cultural, Minister di Cultura tabata tin e honor pa corona Pilar Cultural sra. Zenovia Wever.

Mama vegetariano condena pa morto di su baby di 18 luna



EZRA O'Leary di apenas un año y 6 luna, a fayece dia 27 di September di 2019, despues cu el a wordo interna den hospital na Florida, caminda apenas e tabata pisa apenas 8 kilo cu ta demostra con flaco y delicado e estado di salud di e criatura aki a bira.

Dialuna Corte di Husticia na Florida a condena e mama, Sheila O'Leary di 39 año na un castigo di prizon pa bida largo caminda tambe el a ricibi castigo pa 16 otro acusacion di negligencia y otro asuntonan caminda el a viola derecho di su yiu homber.

E muhe aki hunto cu su esposo y tin dos otro yiu, ta un vegetariano y solamente tabata duna e baby chikito berdura curu y fruta pa come loke a pone cu e mucha tabata totalmente desnutri.

Un siman prome cu e criatura a fayece, e mucha no a come mas y practicamente no tabata drumi pero asina mes e mama sin escrupulo aki y ni su esposo, no a busca atencion medico pa e mucha y autopsia e bin determina cu motibo di su fayecimento, tabata di complicacionnan pa motibo di desnutricion.

Fiscal cu a trata e caso a muestra cu mama di e mucha a dicidi riba su mes di negligencia e sufrimento di e pover Ezra mirando con flaco e mucha a bira, algo cu e mama mester a ripara y mester a actua.

E pareha tin dos otro yiu di 3 y 5 año kendenan tambe tabata pasando den un proceso similar pa falta di alimentacion adecuado pero Corte a kita derecho di e mayornan riba e muchanan y a entrega nan cuido na nan famianan mas cercano.

Un di tres yiu a ser otorga na e tata biologico cu tambe a ser sometí na e dieet di e mayornan, mientras cu esposo lo scucha su suerte dentro di poco ora cu Corte impone castigo riba dje pa tanto abuso contra criaturanan inocente.

E mama durante tratamiento di e caso, no a muestra niun tipo di duele di loke a pasa, al contrario tabata duna e impresion cu ainda e ta sigur di su mes cu e no a haci algo malo, cu el a percura pa e criatura manera e mester a haci pero Corte a haya su persona culpabel di negligencia formal pa cual e lo no sali liber mas for di prizon.

Ex lider Sovietico Michail Gorbatsjov a fayece ayera



E agencia di noticia Ruso, TASS, ayera tardi a informa fayecimento di e ex lider Sovietico, Michail Gorbatsjov na edad di 91 año despues di tin un periodo sufriendo kebrante di salud.

E ultimo presidente di Union Sovietica, tabata sufri di un enfermedad serio na su nier for di luna di juni ultimo caminda su situacion tabata delicado caba y pa cual e tabata hayando un tratamiento conoci como 'hemodialyse' caminda su sanger tabata wordo purifica pa medio di un mashin.

Sin embargo el a pasa den varios crisis cu su saluda pero ayera el a fayece sin cu autoridadnan ainda por defini motibo di esaki.

Gorbatsjov a gana e Premio Nobel di Paz y a bira conoci como e lider cu a reforma e dominante partido comunista di Union Sovietica cual a conduci despues na fin di e Guerra Friu

Corte no a duna muhe YDK okay pa muda pa Corsou cu su yiu

WILLEMSTAD - E luna aki un tribunal na Den Haag a dicta cu un muhe YDK cu tin un yiu muhe di 11 aña cu a nasi y lanta na Hulanda, no por muda bin Corsou cu e yiu.

Semper di su bida e mucha a biba na Hulanda pero awor cu e mama tin un compaño di bida cu kende e tabata biba na Hulanda pero a bin Corsou pasobra e la haya trabou, e muhe tambe kier bin Corsou.

Tata dje mucha no kier pa su yiu bin Corsou pasobra e tin su bon trabou y por cria e yiu debidamente. Principio dje luna aki corte mes a papia cu e mucha prome cu e caso cu e mama a forsa den corte.

Hues a repasa historia dje pareha y a constata cu e homber y e muhe tin un yiu pero no a casa pero e tata a reconoce e yiu. E yiu ta biba cerca su mama na Hulanda pero for di 2020 e mama y e tabata tin derecho di corte pa cria e yiu. E areglo ta cu un weekend cada dos siman e por pasa cerca su tata y cierto dianan di fiesta.

Den prome instancia corte a rechasa peticion dje mama pe muda bin Corsou cu e menor di edad.

E mama no a bay di acuerdo cu e decision y a pidi corte pa dun'e 'permit interino' p'e biaha cu e yiu.

E relacion entre e pareha ta malisimo pasobra e tata no kier duna permit pa su yiu bin Corsou.

E relacion lo drecha si e mama haya permit pa por bin Corsou cu su pareha nobo.

E mama ke forma su famia di nobo pasobra e tin un otro yiu tambe na Corsou.

Si laga e yiu bin biba na Corsou, e tata no ta mir'e mas pero e mama a priminti corte cu e ta laga e yiu bin Corsou un biaha pa aña y e ta paga tur cos.

Ademas nan por papia y mira otro via telefon!!!!

E mama a conta cu e la haya trabou na Corsou y cu su partner nobo por tuma un hipoteca pa cumpra un cas.

E mama a splica hues cu enseñansa na Corsou no ta di calidad inferior cu na Hulanda y dia e caba scol e por scoge kico e kier studia.

Tur comunicacion ta bay via e yiu

Na su turno e tata a splica hues cu tur comunicacion cu e mama ta via dje.

E situacion aki ta teribel y lo bira pio si e yiu bin biba 9000 kilometer leu for di Hulanda.

Ademas e tata no kier p'e mucha lanta cu e impresion cu ta pa vakantie so e t'ey.

E tata tin algun aña cu e no a bin Corsou pasobra awor cu e la manda busca su mama, no tin necesidad.

Ademas e no kier tin obligacion pa tur aña e bin Corsou pasobra esey ta gasto.

E mama mes no kier bin biba na Corsou sin e yiu pero e tata si mester sinti falta dje yiu.

E muhe tabata sa cu dia su partner a bin traha na Corsou y cu tata dje mucha lo no duna permit pa e yiu lanta bou di un dak cu un homber straño.

I e argumento cu enseñansa na Corsou no ta inferior cu na Hulanda, e homber a cualifica como ridiculo. E tribunal na final a rechasa peticion dje muhe y a nenga e mama permit pa biaha pa Corsou cu e yiu.



Antes tabata duna parehanan terapia pa drecha matrimonio

WILLEMSTAD - Recientemente nos a presencia un suceso cu tabata manera un 'flashback' di loke a yega di pasa y a keda graba den memoria manera un 'déjà vu' di loke a pasa den un pareha. Tabata un pareha caminda den cual contrali na loke sa te caso normalmente, te muhe tabata maltrata e homber.

Dado momento e homber a fada y a pidi divorcio pero hues a trata di salba e matrimonio recomendando nan pa busca yudansa den forma di terapia.

Kico cu e hues a bisa nan prome cu e terapia y nan no por a trata otro dignamente pa caba di resolve nan diferencianan cu ta stroba nan pa biba pacíficamente cu otro.

E pareha a bay terapia cuater luna largo tur siman pero no tabatin cambio.

No a keda hues otro alternativa sino di duna e psicologo ordo pa haci lo maximo pa laga e pareha separa di un forma civilisa y digno pero e problemanan a sigui e cu e pareha y hasta a escala y bay para den un corte superior.

Den e corte superior nan a analisa e caso y a constata cu e pareha tabatin dos problema: uno personal y e otro tabata

financiero. Mientras tanto e muhe tabata sigui maltrata e homber fisicamente te cu e la pidi hues pa divorcia nan.

E lesionnan cu e la sufri tabata peligroso y e homber a splica cu si sigui asina e tin miedo cu un dje dlanan aki e muhe lo caus'é daño irreparable.

Corte a duna e homber rason cu asina no por sigui pero e muhe a apela a decision pasobra e la insisti cu e no a haya un 'fair chance' den corte. Mientras tanto e psicologo cu hues a nombra pa purba trece pas y harmonia, a caba su rapport pero awor tur dos a dicidi di rechasa e rapport.

Di otro banda e corte mas halto a dicidi cu e no ta contene argumento pa dicta e divorcio total pero si di separacion di cama y mesa.

Pero un biaha mas e muhe a tira 'monkey wrench' den e caso y a apela atrobe pero e biaha aki na corte Supremo.

Situacion crioyo

E motibo dicon e muhe a sigui apela tur cos ta pasobra su mente tabata domina pa custumber y cultura Antiano cu ta kere cu hende ta divorcio pa motibonan 'crioyo'.

Motibonan manera infidelidad, abandono di cas y famia, si un di nan ser condena na un castigo di mas cu 4 aña of esun pareha ta maltrata e otro asina intensivo cu su bida ta core peligro.

Unabes n'e punto aki corte a manda e caso pa e hues original su corte pa laga e pareha dicidi cu si nan ke sigui nan bida separa of laga un diferencia di opinion tecnico huridico marca nan bida pa semper.

Asuntonan Veterinario por controla carni cora y pone beslag temporal

WILLEMSTAD – Asuntonan Veterinario ta e instancia cu por controla carni cora, e por haci voorlopige inbeslagname, si e ta haya cu ta necesario. Ademas e por haci beslag y por of laga haci destruccion. E por stop un proceso tambe. Por pone cierto boet, pero mester ta boetnan relativamente leve di 200 florin. Inspector general di salud, Serving Keli a bisa den parlamento, cu ta importante pa remarca cu no a cambia altura dje boetnan.

Pa loke ta trata THZ, e tin autoridad pa controla, e por haci beslag temporal, pero e no por haci beslagname ni tampoco e no por destrui producto. Keli a sigui splica cu loke cu THZ, si por haci, ta para e proceso, caminda cu ta viola e warenlandsverordering. Esey ta nifica cu THZ no por cera un luga. E ta nifica si cu e proceso cu viola, ta e unico proceso cu ta tuma luga den e luga di benta, automaticamente esey ta nifica cu luga no por sigui draai. Por ehempel si tin un supermercado cu tin algun proceso cu no ta cana corecto, THZ no por cera e supermercado. E por para si e procesonan cu ta viola. Pero e no por cera e supermercado, pasobra tin otro cosnan cu ta bende, pero cu no a viola.

Autoridad

Ora cu un funcionario ta controla, e tin autoridad di drenta tur caminda, cu excepcion di cas di hende, y por haci esaki tog, solamente si e tin un permit. Sino tin permit mester motiva na husticia dicon tin sospecho fuerte cu tin cos robes. Durante control, un funcionario ta autorisa pa pidi tur informacion cu e tin mester, e ta autorisa pa tuma material tambe cu ta contene informacion. Un otro posibilidad ta cu e funcionario ta bay cu articulo pa tuma monster.

Ora cu e funcionario constata cu tin motibo pa voorlopig inbeslagname, e por seya e cosnan pa bay cune. Esey ta tuma luga pa medio di un formulario, caminda e persona encarga na e sitio tambe ta firma hunto cu e funcionario encarga. Tur dos mester firma, pa garantisar cu tur hende ta na altura di tur cos.

Den caso cu ta Asuntonan Veterinario, e por sigui traha riba inbeslagname, e por ordena pa haci destruccion. Si ta THZ ta haciendo e trabou, e mester acerca Inspeccion cu mester evalua cu e ta bira inbeslagname definitivo of cu no tin motibo pa pone beslag.

Fortaleza Pa Famia

Autoridad Di Mayor Ta Estableci Pa Dios

DEN tur instituto cu ta traha cu mucha, of fundacion cu ta traha cu mucha e autoridad di mayor mester ta conoci y respeta, pasobra Dios a establece e autoridad di mayor. Asina cu autoridad di mayor ta debilita, norma y balor ta baha den famia, cu tur consecuencia conoci.

Dios ta uza autoridad pa trece ordo y husticia den mundo, pasobra Dios ta e autoridad Supremo y mayor riba tur cos.

Dios a establece tres tipo di autoridad den un pais.

Esun di Gobierno.

Esun di Husticia.

Esun di mayornan.

Nan tur 3 mester cana den e linja di berdad y respet pa Dios, y no cambia nada cu Dios a establece, pa evita cu libertinahe ta drenta den e poblacion, inmoralidad ta purba domina, asina hende por cuminsa pensa cu nan por haci locual cu nan kier sin ningun clase di respet pa Dios y su autoridad estableci.

Gobierno tin cu haci tur esfuerzo pa cumpli cu su deber na e pueblo, pa asina e pueblo por cumpli cu su parti y pas por reina tur den tur cas. (Esaki no ta politica pero seriedad) .

Husticia mester para firme y fuerte pa controla, y pone orden y respet.

Mayornan tin e labor di lanta yiunan conforme na e palabra di Dios, pa asina nan no tropica ni cu husticia, ni tampoco cu leynan estableci pa gobierno.

Tocante e 3 autoridadnan aki por wordo lesa den Romanonan capitulo 13 completo y 2 Corintionan capitulo 13:1-10. Pasobra asina cu un ta debilita e otro tin cu reforsa.

E autoridad di Mayor, no por wordo negligisha tampoco manipula, pa e Famia no tambalia.

Tur instituto cu ta traha cu mucha, tur fundacion cu ta traha cu mucha, tur scol, y tur creche, mester pone den nan statutan cu autoridad di mayor ta estableci pa Dios, p'asina muchanan lanta cu respet pa nan mayornan.

E autoridad cu Señor a duna mayornan ta pa Edificacion y no pa destruccion. (2 Corintionan 13:10).

Poverbionan 19:20 ta para skirbi: Disciplina bo yiu mientras cu tin speranza ainda y no desea su morto.

Un mayor mester ehersce su autoridad ta riba lo siguiente: (Riba tur cu ta biba bao di su dak)

E mester ta na altura, cu ken su yiu ta sali y na unda e ta bay.

E mester controla su yiu su tas, su camber, y si tin mester hasta su telefon.

Awendia droga ta wordo bendi y entrega na cas mescos cu Pizza.

E mayor tin tur autoridad pa puntra e mucha kico e tuma cerca hende na auto y exigi pa e mucha habri su man pa e wak y si ta droga denuncia inmediatamente.

Ningun mucha no por sali cu spirito, e persona cu e ta sali cun'e, mester ta conoci.

Mayor su deber ta zorg pa alimentacion, bistimento, gasto di estudio, pero mas cu tur cos edifica e mucha pa un bida decente y agradabel den bista di Dios y di hende.

Colosensenan 3:20+21 ta para skirbi: Yiunan sea obedecido na boso mayornan den tur cos, pasobra esaki ta agradabel na Señor. Tatanan no provoca boso yiunan pa nan no perde animo. (Efesonan 6:1-4).

Deber di mayor ta pa encurasha, edifica, y no kibra e muchanan, pasobra nos t'ey como esnan yama prome pa motiva nos yiunan tur dia, pa haci oracion, pa hala nan riba caminda di Dios.

Ora Dios duna bo autoridad e ta yama bo pa duna cuenta, pasobra Dios kier pa tur mayor ta responsabel pa nan yiunan.

Sinceramente, Pastor Marcel Balootje.



*Every life is noted and is cherished,
and nothing loved is ever lost or perished.*

Mi Dios, Mi Señor, Mi Salvador
Cu Bo amor infinito tenemi den Bo braza
Ya no tin scuridad
Unicamente Bo Luz briyando

Cu dolor na nos curason, nos ta participa fayecimento di nos
ser stima:

Señor José Bernadino Andrade Do Salão

Lid in de Orde van oranje-Nassau
Coach Salão di CBN
Cariñosamente conoci como Salão
* 28-09-1950 - † 28-08-2022



Mayornan:

†Jose Vieira do Salão y †Teresa Correia de Andrade

Su esposa: Dolores Krozendijk

Yiunan:

Indira Andrade Do Salão
Gregory Tobel & Inda Tobel
Jerry Willemsberg & Katarina
Jair Andrade Do Salão & Ysmay Orman
Jennifer Andrade Do Salão
Jason Andrade Do Salão y Hidie Martinus

Rumannan:

Teresa y Jeff Franken
Mario Vieira do Salão
†Carlos Vieira do Salão
Lourdes & Edgard (Broertje) Maduro
Nietanan y Nietonan:
Rosa, J.J, Sjadey, Zairy – ann, Nigel, Ian, Mason, Inari, Isac, Iron

Bisa nieto:

Noah

Iha: Eddy Tromp y Elisabeth Gomez Da Silva

Cuñanan y Suanan

Famia Krozendijk, Vaneis, Richardson, Campos, Kemp,
Bruleson, Balesta, De Jager, Uelloa Leal y Dandus

Padrino:

Pader Bernadino Andrade na Madeira
Sobrinonan y Sobrinanan cu ta semper den su curason.

Tur primo y primanan, bisiñanan stima, bon amigonan
Manuelito Da Silva, Franklin Sofia, Roland Becker y Minister
Endy Croes. Baseballstanan y amigonan di e famia grandi di
Centro di Bario Noord (CBN).

Demas famianan: Vieira Do Salão, Correia De Andrade,
Maduro, Tromp, Monart, Orman, Kock, Kelly, Gomez Da Silva,
Vargem, Cabral de Andrade Famia na Curaçao, Venezuela,
Madeira, Brazil, Merca, Panama, Hulanda y Comunidad
Portugues aki na Aruba.

Acto di condolencia lo tuma luga na Aurora Funeral Home
diahuebs 1 september 2022 pa di 7:00 pm te cu 9:00 pm. Ta
invita pa asisti na e acto di entierro cu lo tuma lugar diabierna
2 september 2022 for di 2:00 pm pa 4:00 pm den misa pro
Cathedral San Fransisco.
Despues lo sali pa santana Catholico na Oranjestad

Señor ta mi wardador, mi'n tin falta di nada.
Den cunucu di yerba berde e ta ponemi sosega.
E ta hiba mi na awa frankil.
Pa mi bolbe haña forsa. 'Salmo:23'

Cu inmenso tristeza na nos curason, pero agradecido pa su
legado, nos ta participa fayecimento di:

Sr. Leandro Franken

Cariñosamente yama: "Lé", "Shon Lé",
*13-03-1936 - †28-08-2022



Mayornan:

†Luis y †Maria Franken- van der Biezen

Na nomber di su:

Casa: Alejandrina (Olga) Franken-Winterdaal

Yiunan stima:

Arline y Ursino Tromp
Francis y Luz Elena Franken
Omaira y Anthony Krozendijk
Omar y Maria del Carmen Franken
Gino Franken

Manera yiu:

Soraida Boekhoudt

Nieto(a)nan: Lue-Ann y Harry, Jairzinio, Veloushka y Nigel,
Francis Leandro, Luis Esteban,
Miloushka, Yabib y MariaGemma, Diana Catalina, Yuli
Andrea

Bisanieto- y bisanietanan: Xenon, Xaylon, Qu-lainey, Xhary,
Mirlaine, Kaylee, Mimi & Xander

Stima manera nietonan:

Adriana y famia, Rodrigo y famia, Lina y yiunan

Rumannan:

Editha y †Mario Lumenier-Franken
Rufino y †Francisca Franken-Boekhoudt
†Mario y †Maria Franken-de Cuba
Carmen y Jorge Donata-Franken

Cuñanan:

†Simona y †Dufi RASMIJN y famia
†Maria y †Poly KELLY y famia
Luisa y †Chido FELICIANA y famia
Lucia WINTERDAAL
Rita y †Alex WERLEMAN y famia

Primo- y primanan, sobrino- y sobrinanan. demas famia,
gruponan di oracion Parokia Santa Filomena, bisiñanan,
conocirnan y amistadnan mucho hopi pa menciona

Ta keda invita pa e acto di entierro cu lo tuma lugar diahuebs
1 sept. 2022 di 2:00 pa 4:00 pm na Parokia Santa Filomena
na Paradera, despues saliendo pa Santana catholico na
Paradera.

Nos disculpa si den e momento di tristeza por a lubida riba un
of mas famia.
Despues di entierro lo no por ricibi bishita di condolencia na
cas.

Aurora

Royal Pray

Funeral Home & Crematory

*Every life is noted and is cherished,
and nothing loved is ever lost or perished.*

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
Cado Wever.

Cu dolor na nos curason, nos ta anuncia fayecimento di:

Mario F. Arends

Mihor conoci como: "Mayoonchi"
*19-11-1974 - †30-08-2022

Acto di entierro lo wordo
anuncia despues.



Hesus a bis'é: 'Ami ta resurekshon i bida; esun ku kere den Mi,
lo biba asta si e muri. I niun hende ku tin bida eterno, lo no
muri nunca mas.
Huan 11: 25-26

Nos ta anuncia fayecimento di

Albertico Paesch

*28-01-1960 - †18-08-2022

Acto di entierro lo wordo
anuncia despues.



Gradicimento y Invitacion

Den nomber di su, yuinan, y demas
famia kier a gradici tur esnan cu di un
manera of otro a muestra nan atencion
durante y despues di su fayecimento y
entierro di nos defunto mama stima;

y cariño y verzorging na nos mama.

Na Cynthia y Anouska cu tawata verzorg
mama tur weekend, danki pa boso pasenshi
y cariño.

Na Martijn Trading y Botica Seroe Preto pa
boso bn servicio.

Na tur cu a yuda nos den e momentonan
mas dificil, boso muestra di atencion y
cariño lo keda den nos curason.

Na Ad Patres cu boso tremendo servicio,
pasenshi y comprension. Un millon di
Danki....

Na tur masha danki pa boso Atencion y
Sosten.

Alavez nos ta invita tur famia, bisiña,
amistades y conocirnan pa compaña nos na
e 3 Santo Sacrificio di misa cual ta tuma
lugar; na Misa Sta Theresita y na Kapel

E fechanan lo ta,
Diahuebs: 01 September 2022 pa 6:00pm,
Misa Sta Theresita
Diasabra: 03 September 2022 pa 7:00pm,
Kapel Emamnuel
Dialuna: 05 September 2022 pa 6:00pm,
Misa Sta Theresita

Boso presencia lo ta altamente aprecia.



Catharina Paesch

Cariñosamente yama: "Catina"
*01 Juni 1940 – †25 Augustus 2022

Danki special na tur famia, amistades, bisiña
y conocirnan cu tabata presente.

Na tur cu na bida a Stima y Aprecia nos
Mama Stima Danki...

Gradicimento tambe ta bai na tur esnan cu
a manda flor, krans, telegram, yamadanan,
mensajenan via Whatsapp, Facebook y e
gesto nan bunita cu nos por a ricibi.

Danki na su dr. di cas Dr. De Cuba cu ki ora
cu a jame a sa di jega serca nos Mama,
na e nursenan di wit gele kruis pa boso amor

Gradicimento y Invitation

Den nomber di su, famia juinan, nieta,
rumannan y demas famia kier a gradici tur
esnan cu di un manera of otro a muestra nan
atencion durante fayesimento y entierro di nos
defunto stima;

Danki special na tur famia, amistades,
ex-colega, bisiña y conocirnan cu tabata
presente.

Tambe nos kier a gradici su dokter di cas
dr. Boderie cu tawata semper attent, su
ayudantenan, Casandre y Nelande.

Gradicimento ta bai tambe pa Staff y
Personal di Ad Patres Funeral Home pa nan
Excelente Servicio.

Alavez nos ta invita tur famia, bisiña,
amistades y conocirnan pa compaña nos na
e 3 Santo Sacrificio di misa cual ta tuma lugar;
na Misa Sagrado Curason na Savaneta

E fechanan lo ta
Diahuebs: 01 September 2022 pa 7:00pm
Diabierna: 02 September 2022 pa 7:00pm
Domingo: 04 September 2022 pa 6:00pm
Boso presencia lo ta altamente aprecia.



Maria Theresa Maduro- Rasmijn

Cariñosamente yama: "Tele, Iya, Tanchi,
Maria, Theresita, Maria di Wimco"
*07 October 1934 - †19 Augustus 2022

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

Nos ta anuncia fayecimento di:

Sra. Olga L. Odor-Tromp

*06-07-1931 - †28-08-2022

Acto di despedida lo wordo
anuncia despues.



Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza.

Cu tristeza den nos curason pero agradecido pa tur loke e la
nifica pa nos, nos ta anuncia fayecimento di:

Marlene Y. Taytelbaum- Mendesoon

*05-01-1938 - †30-08-2022

Acto di entierro lo wordo
anuncia despues.





*Every life is noted and is cherished,
and nothing loved is ever lost or perished.*

Hesus a bini na oriya, no pa busca sabinan ni rico.
E la bin busca mi pa mi sigui E."

Cu tristeza pero conforme cu boluntad di Dios nos ta
anuncia fayecimento di:

Eric Oswald "Walty" Croes

Ex-empleado di LAGO y conoci como
tugmaster Chaly of Walty di Shoshoro
*10 october 1933 – †26 augustus 2022

Esposa:
Maria del Valle (Vallecita) Croes-Buckley

Yuinan:
†David Croes
Gladys Kock



Rumannan:
Carlos y Berta (Betty) Croes-Croes y famia
Siegfried (Frido) y Filomena (Mena) Croes-Eduwardo y famia
Rolin y Irena Croes-Verheyen y famia
Violeta y †Charles (Chaly) Lampe-Croes y famia y Simeon
Thiel
Carla y †Adriaan (Aad) Klijn-Croes y famia
Rita y Juan Tromp-Croes y famia
†Erica Croes
Daniel Geerman y Martin Wijker

Swa y Cuñanan:
Ramon Buckley y famia
Aurealo (Yeyo) Buckley y famia
Aida Ledezma-Buckley y famia
Lilia Ras-Buckley y famia
Miriam Buckley y famia
Olga Buckley y famia
Sonia Mc. Gowty-Buckley y famia
Angelina Buckley

Primo- y primanan, ihanan, bisiñanan, amigo- y amiganan y
demas famia:

Croes, Buckley, Kock, Eduwardo, Verheyen, Lampe, Thiel,
Klijn, Tromp, Geerman, Wijker, Ledezma, Ras, Mc. Gowty,
Lacle, Rasmijn, Curiel, Wever, Koolman, Henriquez, Martes,
Kelly, Rodriguez-Decarli.

Nos disculpa si den nos tristesa nos a lubida un of otro famia.

Acto di condolencia y despedida ta tuma lugar diaranson,
31 di augustus 2022 di 9:00am pa 11:00am na Aurora Funeral
Home. Respons ta cuminsa 10:30am. Cremacion ta tuma
lugar despues den seno familiar.

Nos ta lamenta cu despues di despedida nos no ta ricibi
bishita di condolencia na cas.

"I have fought the good fight, I have finished the race, I have kept
the faith. Now there is in store for me the crown of righteousness,
which the Lord, the righteous Judge, will award to me on that
day—and not only to me, but also to all who have longed for his
appearing.
Salmo 2 Timothy 4:7-8"

Conforme cu boluntad di Dios y gradecido na loke el a haci y
nifica pa nos, nos ta participa fayecimento cristianamente di

Sra. Vda. Ilse Marie Henriquez- Samson

Miher conoci como " Ilse "
*21 -September-1949 -
† 24 -Augustus-2022
Vuida di defunto Sr. Dominico
Rafael "Fai" Henriquez



Na nomber di su:

Yiu: Kenneth (Kenny) y casa Solange Henriquez-Leung
Nieta y nietonan: Cady, Kevin, Xylon y Chelsea Henriquez

Rumannan: Dolfi Jansen y Ina Jansen-Martis, †Albert Chundro y
Laura Chundro-Hopmans, Eddy Samson, † Leyla Leyba-Samson,
Johnny Samson, Leo Samson y Mercedes Samson-Croes,
Kenneth Samson y Carla Samson-Wix.

Cuñanan y Swanan : Nestor Henriquez, Isidro y Reina Henriquez-
Zievering,
Marcial y Marisella Henriquez-Tromp, Glenda y Benito Tromp-
Hek
Johnny Holsman, Janet Holsman, Greta y Hassan laarsi-Holsman
Nelson y Mercedes Holsman-Rosario, Humphrey y Delia
Holsman-Padilla
Ruben Holsman, Roy Holsman, Shirley Holsman

Suegra di su yiu: Sandra Eckmeyer
Suegro di su yiu: Albertico (Tico) Leung

Sobrino y sobrinanan, comer y compernan y tur ihanan.
Primanan y Primonan na Aruba, Suriname y Corsow
Bon Bisinja pega: Isma y Martiza

Ancianonan y rumannan di Faith Revival Church
Ex colega nan di SETAR

Demas famia:
Samson, Henriquez, Jansen, Leung, Eckmeyer, Martis, Chundro,
Hopmans, Leyba, Croes, Wix, Albus, Bikker, Comvalius,
LoFoSang, Rasmijn, Nicolas, Mc Bene Courtar, Krind, Perse, De
Cuba, Holsman, Zievering, Tromp, Hek, laarsi, Rosario, Padilla,
Dirks, Kock, St.Jago, Cecilia, Schoop, Werleman, Brokke,
Briezen, Faro, Almary, Nedd, Seraus, Themen.

**Disculpa nos si den nos tristesa nos por a lubida un of mas
number di famia**

Acto di entierio lo tuma luga diahuebs 01 di september 2022, e
difunto lo ta di 2:00 pa 4:00 di atardi na Aurora Funeral Home
na cumana y despues lo sali pa Santana na Sabana Basora.

**Lamentablemente despues di entierio nos NO ta ricibi bishita di
condelencia na cas**



AWEMainta

Scan nos QR code y bira abonado di AWEMainta

Completamente GRATIS

1: Usando bo camera di telefon,
scan nos QR code na banda.

2. Bay riba "Show Options",
"Open in browser".

3. Yena e formulario.

**Haya AWEMainta
tur dia den bo inbox!**



www.awemainta.com



www.facebook.com/AWEMainta



5880022



info@awemainta.com

noticia@awemainta.com

aviso@awemainta.com